

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Verzeichnuß und warhafftige Beschreibung Aller deren Königen, Fürsten, Communen unnd Potentaten

[S.l.], 1629

15. Carolus ejus Filius

[urn:nbn:de:bsz:31-67768](https://nbn-resolving.org/urn:nbn:de:bsz:31-67768)

15. Carolus ejus Filius.

Dieser hat ihme selbst/ seinem Vatter vnd Brüdern in dem ganzen Badischen Geschlecht/ zum ewigen Hohn vnd Spot/ das Commando vber zwey Companien vnter einem Mansfeldischen Bastart acceptiert, vnd in deme er selbst zwey Companien in Frankreich erworben gehabt/ vnd Anno 1625. gleich wider Ihr Käyserl. Mayst. an vnd zu seinem Herren dem Mansfelder ziehen wöllen/ ist er zu Bologne in Frankreich erkränckt/ vnd gähentlichen Todes verblühen/ vielleicht bringt jetzt er apud inferos die Engelländer vnd Franzosen zusammen/ welche im selben Jahr vor Breda den Geist auffgeben/ damit der General Mansfelder dem Meister Jacob Conto geben kan/ wohin das Volk/ so ime in Engelland anvertrauet/ geführt worden.

16. Mauritius Hassia Landgravius.

Steiner vnter den Pfälzischen Asseclis, welcher den Carigo, den er noch täglich empfänget/ wol vnd oberflüssig verdienet/ so ist dieser Landgraff Moris/ welcher der erst Motor, Author & Propagator der Hallischen Union gewesen: hat Anno 1619. schon gerathen/ daß der Pfalzgraffe sich der Person des König Ferdinandi/ damalen Ihre Käy. May. vnterwegs auff Franckfurt gewest/ bemächtigen vnd dadurch verhindern solle/ damit die Catholischen Chur- vnd Fürsten mit der Wahl zu Franckfurt nit fort können/ der Pfalzgraff das Vicariat desto länger hinauß prolongieren könte. Was hernach mit Landgraff Ludwig/ ja so gar mit dem Churfürsten zu Sachsen/ als ihne dieselbe von der Assistentz des Pfalzgraffens ab- vnd zum Gehorsam gegen J. Käy. Mayst. ermahnet/ vor schimpffliche Schreiben zuac.